



## Universitätsbibliothek Paderborn

### **V. P. Gasparis Druzbicki, Societatis Jesu, Opera Omnia Ascetica**

Aucta Duobus Opusculis De Effectibus, Fructu, Et Applicatione Sanctissimi  
Missæ Sacrificii, Et De Sublimitate Perfectionis Religiosæ. Catalogum  
Tractatum Asceticorum Omnium Vicina Post Dedicacionem Pagina  
Indicabit

V. P. Gasparis Druzbicki, Societatis Jesu, In Dominicas Anni Totius  
Meditationes

**Druzbicki, Kaspar**

**Ingolstadii, 1732**

**VD18 9006643X**

Dominica XXIV. post Pentecosten.

**urn:nbn:de:hbz:466:1-45459**

## DOMINICA XXIV.

post Pentecosten.

1. *Ecce hinc est Christus.* Matth. 24.

**E**CCE desiderium cordis tui tribuitur tibi o homo; dilata cor tuum. Ecce dilectus noster stat post parietem nostrum, respiciens per cancellos, prospiciens per fenestras. Ecce hinc est Christus, hinc sub ista Specie Panis, sub hac vini specie, in hoc Altari, manu, lingua, ore, corde, visceribus tuis. Ecce hinc est Christus tuus, quem timebis? Ecce hinc est Christus tuus, quid tibi deerit? Ecce hinc est Christus, tu peccabis; Ecce hinc est Christus, tu te cæcum geres! Ecce hinc est Christus, non facies illi submissi cordis honorem? Ecce hinc est Christus, non miraris, non gaudes? non ad pedes advolveris? non te illi devoves? Ecce hinc est Christus, putasne aliquid deesse? Ecce hinc est, & cur tamdiu in te aliquid Christo inimicum responderet? in his verbis, o homo, quidquid vis, habes. Ager solatium, pauper divitias, immundus balneum, nudus vestem, famelicus cibum, sitiens potum, timidus robur, denique qui nihil est, habet omnia.

2. *Cum videritis abominationem desolationis in loco Sancto.*

**Q**UID est abominatio desolationis in loco sancto, nisi peccatum in corde, nisi tepor in Spiritu? an nescitis, ait Apostolus, quia corpora vestra templa sunt Spiritus Sancti? Si Corpora, multo magis Anima, utique enim Anima plus est quam esca vermium, fæcus stercoreum, corpus. O quanta abominatio desolationis in corde meo Deus meus! Quid est? usque adeo insedit

sedit



fedit tepor iste malignus & tepiditas maledicta, ita ut non possim currere sicut heri, & nudius tertius quando corde dilatato & ferventi serviebam tibi Deo meo? Et quidni mireris Domine sicut olim; Quid est quod dilectus meus in domo mea fecit scelera multa? sanè multa, quia consummatio omnis nequitiae, tepiditas.

3. *Abominatio desolationis in loco Sancto.*

**H**Æc nihil aliud est, nisi inundentia scelera, pullulantes curæ, in Ecclesiasticis desideria sæcularia, quibus omnes quærunt quæ sua sunt, non quæ JESU Christi: vanitas in prædicatoribus Evangelii, quæ seipsum prædicant; Scandala in Religiosis foras prorumpentia. O quis Sapiens & intelligit hæc! ô quis tollet scandala de Regno Dei! Messis multa, operarii autem pauci! Utinam consurgat aliquando zelus Patrum nostrorum. Utinam convertantur corda Patrum in Filios & convertamus populos ad Dominum Deum ipsorum! Principemque hujus mundi & abominationem desolationis, ejiciamus foras de loco Sancto, ornati gladio, zelosi discretique Spiritus.

4. *Væ prægnantibus in die illa!*

**N**ULLA re magis inferna abundat atque suam voluntate, & bonis propositis; sed væ prægnantibus! neque enim apud Deum locum habet Corvina vox, Cras, Cras; Quam multi multa nos facturos pollicemur, & nihil facimus? interim nos mors, in ira Dei, prægnantes & parturientes occupat, atque in tartara mittit, locum penitentiae non relinquens: quoniam apud Deum, non quid volueris, sed quid feceris æstimator. Similes enim sunt homines isti Elephan-

tis,

g. Druze  
bicki  
opert. arce?  
TOMUS III  
N. V  
58

tis, qu  
pariur  
Ergo  
rare, o  
res mi  
æterni  
non ce

IN hy  
Rel  
etiam  
Autun  
vigor  
postm  
cedit.  
feat,  
tuâ car  
remitt

IN hi  
ma  
culare  
curis  
lum in  
tas inv  
terra  
Christ  
ram,  
ô frige  
magis  
nascit  
tendit  
datur.  
surus



tis, qui decem annis uterum gestant, & tandem pariunt, sæpe etiam ante partum emoriuntur. Ergo quidquid potest manus tua, instanter operare, operare, quia tempus non erit ultra, & fores misericordiæ, quæ nunc patent, claudentur æternitate, regnabitque iustitia, Age quod agis, non cesset tua manus, non cesset pes tuus.

5. *Orate ne fiat fuga vestra hyeme.*

**I**N hyeme fugiunt, qui mundum deserunt, sed Religiones indisciplinatas petunt, in quibus etiam aliqua fuit æstas fervoris & observantiæ, Autumnus fructuosæ ac maturæ perfectionis, & vigor floridus ac Ver Sanctitatis & novitatis, postmodum tamen inordinatio & desolatio succedit. Ora pro tuo corde, ne in hyemem transeat, ne tu in nivem & glaciem concrescas, ne tuâ causâ, Religionis tuæ disciplina in pluribus remittatur.

6. *Orate ne fuga vestra.*

**I**N his verbis Difficultas in sæculo sanandi animam notatur. Quid enim sunt homines sæculares nisi ij qui fugiunt mundum, sæcularibus curis impliciti, & negotiis mundi? Quid sæculum istud fulgiendum? Simile est hyemi: putas inveniet filius hominis, cum venerit, fidem in terra? Refrigescet Caritas multorum. unde Christus dicit; Ignem se venisse mittere in terram, cur? nempe ut accendatur, friget enim, ô friget! quia hyems est, terra ipsa frigida est, magis autem ab aqua infrigidatur; hinc hyems nascitur, & homo ipse tanto propius ad hyemem tendit, quanto magis sæcularibus curis circumdatur. Quapropter certè Sol iste iustitiæ, recessurus à terra, in cælum veniens, ne citò infrigeret,

sceret,



sceret, promisit & præstitit Spiritum Sanctum, eumque in igne misit, ut impleretur desiderium Prophetarum clamantium; Utinam disrumperes cælos & descenderes, aquæ arderent igne! Gaude igitur, ô homo! qui ab hac hyeme sæculi, diabolicarum tentationum grandine, gelu & pruina peccatorum lethalium, Dei munere liber, in æstate & vere Religionis, vivis & fugis. Ora autem, ne saltem mente redeas in Ægyptum; atque labora, ut plurimos in illa hyeme argentes calefacias.

7. *Ubicunque fuerit Corpus, illuc congregabuntur & aquilæ.*

**F**elices aquilæ quæ ad illud corpus congregabuntur! Quod hoc Corpus? nisi JESUS, quid aquilæ? nisi Servi Christi. Corpus Christi est, quia verbum Caro factum est. Aquilæ Sancti sunt, qui sub ista nube latentem Deum, non solum cognoverunt sed etiam amaverunt; Perspicaces sanè oculos istos fuisse oportebat, qui viderent & amarent; multi enim vident sed pauci amant, hi cum noctuis computabuntur, quia inter aquilas esse non possunt. Multi qui potius Christo dicunt Domine, Domine, quam faciunt, quod Christus dicit; propterea respondit illis, Nescio vos. O si inter illas computemur Aquilas, quæ assumunt pennas, mutant fortitudinem, & sicut aquilæ volant & non deficient, immutant enim aquilæ juventutem suam, aspicientes in contemplatione ferventi, & ardenti desiderio, quæ latificat juventutem earum. O si inter illas aquilas sim, quæ corde puro & perfecto in Deum tendunt, & rectos figunt oculos

g. Druck:  
Blick  
opert. ascel  
Tomus III  
N. V  
58

oculo  
tando  
8.

**E**N  
d  
exiget  
aliis gr  
bit ut  
agend  
bus te  
turbab  
bit figu  
quam,  
non fr  
tunc æ  
esto, &  
9.

**V**Id  
p  
rum in  
hæc or  
ternita  
10. E

**H**A  
nibus  
omnib  
O! illi  
di, illi  
grega  
nam si  
V.



oculos intentionis suæ credendo, amando, imitando, contemplando!

8. *Statim autem post tribulationem dierum illorum.*

**E**N signa Adventus Dei & quasi præludia, hinc disce, quod illo tempore; quo Deus abs te exiget totius vitæ rationem, obscurabitur tibi & aliis gratiæ illuminantis Luna, Lumen enim dabit ut malos affligat; tempus pœnitendi & benediciendi non erit ultra, tunc plangent omnes tribus terræ, non cæli; terrenæ enim cogitationes turbabuntur, & in vanum abibunt. Tunc patebit signum Filii hominis in cælo, signum, inquam, Redemptionis, quo toties tu abusus, vel non fructuosè digneque satis usus. O qui tibi tunc æstus! Qualis tunc esse voles, talis nunc esto, & ut sis, curare proponito.

9. *Et videbunt Filium hominis venientem in nubibus.*

**V**idebunt iusti & plaudent, videbunt impii & plangent. O quanta disparitas! Elige chorum in quo esse & cantare velis tunc, quoniam hæc omnia fient; Hodie tempus est eligendi, æternitas ab hac Electione dependet.

10. *Et mittet Angelos suos cum tuba & congregabunt Electos.*

**H**Æc est fors, quærentium Dominum, quærentium faciem Dei Jacob; gloria est omnibus Sanctis eius, congregari per Angelos ex omnibus angulis terræ, & speluncis & cavernis. O! illi angustiati, illi afflicti, illi purgamenta mundi, illi qui habiti sunt aliquando in derisum, congregabuntur ab Angelis Christi inter alios. Utinam sic moriatur anima mea morte justorum, sed



prius vivat vitam iustorum! Sic enim sine dubio  
fient novissima mea horum similia. Quod donet  
Dominus JESUS, impetret cum omnibus San-  
ctis MARIA.

## DOMINICA

Dedicationis Ecclesiae.

1. *Hodie huic domui Salus facta est.* Luc. 19.

Quotiescunque communicas Sanctissimo  
Sacramento, toties totum hunc Actum  
qui de Zachæo & Christo Domino hodie legitur  
in Evangelio, repræsentari cogita, ita ut tu qui-  
dem Zachæi, Christus verò suam personam gerat.  
Itaque audi, quid Christus Zachæo, id est, tibi  
loquatur. Hodie salus huic Domui facta est.  
Grandis sane & summi momenti attestatio;  
quam si cui audire contingat, nihil amplius quod  
desideret in hac vita habet, tantum ut bonum  
istiusmodi omni diligentia conservare curet.  
Etenim quæ dulcior Consolatio esse potest,  
quam hæc? si quis sibi & de se dici à Christo au-  
diat in corde & conscientia. Hodie huic domui  
salus facta est. O quàm festinè descendere de-  
beres Zachæe ex arbore! quàm avide quærere  
deberes, ut videas JESUM Christum? quàm gau-  
denter illum domo excipere? quàm liberaliter  
te cum illo gerere? Fac ista, & sine dubio audies,  
quod audivit Zachæus; Hodie Salus &c. etenim  
cum Sanctissimum Sacramentum salutem ipsam  
contineat, si domus tua non erit indigna salute,  
certè hoc ipso, quod Sacramentum tantum reci-  
pis, ipsam salutem recipis.

2. Za-

g. Druck  
Bickel  
opert. arce  
TOMUS III  
N. V  
58

RA  
divit  
man  
Zach  
aliqu  
non  
sum  
abiif  
fed C  
tus f  
ente  
fed S  
studi  
chæu  
mult  
legit  
etian  
nullu  
quod  
forte  
quæ  
est;  
tiaru  
sunt.  
Chri  
tant  
non  
cogi  
mag  
Chri  
Chri